

Навбатдаги "Оталар йиғилиши" ўтказилди



Термиз туманидаги 1-сектор ҳудудидаги 10-сонли умумтаълим мактабида туман ҳокими Шухрат Назаров иштирокида "Оталар йиғилиши" ўтказилди.

Сектор раҳбари иштирокида ўтказилган мазкур йиғилишда мактаб ўқувчиларининг ота-оналари, устоз-мураббийлари иштирок этишиб, ёш авлоднинг таълим-тарбиясида оиладаги муҳитнинг аҳамияти, оталарнинг фарзанд олдидаги масъулияти ҳақида ўзаро суҳбатлашишди.

Шунингдек, йиғилиш давомида ўқувчиларнинг таълим-тарбияси, фанларни ўзлаштириши, бўш вақтларини мазмунли ташкил этиш, уларни касбга йўналтириш борасида фикр-мулоҳаза юритилди.

Шу билан бирга ўқитувчиларнинг ҳам таклиф ва мулоҳазалари тингланиб, уларга тегишли кўрсатмалар берилди.